



2. Akademija o medijskom pravu u Jugoistočnoj Evropi

Sarajevo, 3-5. septembar 2013.

Uvodno obraćanje Gazmend Turdiua, šefa Odjela stručnjaka Vijeća za regionalnu saradnju (RCC)

Uvaženi učesnici,

Dame i gospodo,

- Zadovoljstvo mi je da danas budem sa vama na otvaranju druge po redu **Akademije o medijskom pravu u Jugoistočnoj Evropi**.
- Veoma sam zadovoljan da su poznati stručnjaci za medijsko pravo iz regiona prepoznali ovu inicijativu Vijeća za regionalnu saradnju (RCC) kao i naši partneri **Fondacija Friedrich Ebert, OSCE-ov predstavnik za slobodu medija, OSCE-ovi uredi u Jugoistočnoj Evropi, Evropska radiodifuzna unija, Evropsko udruženje javnih servisa u Jugoistočnoj Evropi, organizacija ARTICLE 19 i Ambasada SAD u Sarajevu** – koji su svi omogućili održavanje ovog skupa.
- Posebno se zahvaljujemo **Boyko Boevu** iz organizacije ARTICLE 19 koji je odigrao značajnu ulogu u razvoju ideje o Akademiji zajedno sa Vijećem za regionalnu saradnju.
- Misija Vijeća je promocija međusobne saradnje i evropskih i evro-atlantskih integracija Jugoistočne Evrope u cilju poticanja razvoja u regionu na korist njegovih građana.
- Iz tog je razloga strateški cilj rada Sekretarijata Vijeća za regionalnu saradnju na razvoju medija da se doprinese promjeni kojom bi se potakla

tranzicija i razvoj sektora medija u Jugoistočnoj Evropi ka slobodnim i profesionalnim medijima u regionu.

- Kroz medijsko zakonodavstvo postavlja se okvir za razvoj medija. Proces njegove izrade zahtjeva da zakonodavci, ali i civilno društvo urade sve kako bi učinili da mediji služe građanima. Da bi se to desilo, dijalog i saradnja vladinog i nevladinog sektora moraju biti uspostavljeni i dobro funkcionirati. Podrška produblivanju pomenutog dijaloga na regionalnom nivou je ono što je **Vijeće za regionalnu saradnju imalo na umu kada je odlučilo prošle godine u Zagrebu da pokrene Akademiju.**
- Akademija nastoji da odgovori na zajedničke izazove koji se tiču medijskih sloboda u regionu s obzirom da vjerujemo da dobre prakse u jednoj zemlji mogu poslužiti kao model ili inspiracija za reformiranje regulative o medijima u drugim zemljama u regionu.
- S obzirom da advokati i stručnjaci koji se bave medijskim pravom u Jugoistočnoj Evropi imaju mnoge zajedničke temeljne izazove pa stoga mogu razmjenjivati i učiti iz iskustava jedni drugih, izgradnja mreže advokata i stručnjaka koji se bave medijskim pravom sa zajedničkom strategijom predstavlja jedan od načina da se uspješno pozabavimo izazovima sa kojima se mediji u Jugoistočnoj Evropi danas susreću.
- Vijeće za regionalnu saradnju i njegov Sekretarijat prepoznali su nezamjenjivu ulogu koju mediji imaju u izgradnji slobodnog, demokratskog, pluralističkog, tolerantnog i uključujućeg društva, ali i izazove sa kojima se susreću u ispunjavanju te uloge. Bez zdravog, pluralističkog, profesionalnog medijskog sektora ne može biti ni zdrave demokratije.
- **Sekretarijat Vijeća za regionalnu saradnju i Evropska radiodifuzna unija (EBU)** su prije tri godine **po prvi put okupili javne servise, vladine službenike, regulatore i stručnjake** iz Jugoistočne Evrope na međunarodnoj konferenciji u Sarajevu. Učesnici konferencije su se složili da javni servisi iz regiona trebaju postati pokretači tehnološkog, ekonomskog, političkog i kulturnog razvoja njihovih zemalja, pri tome podržavajući integraciju u evropske i evro-atlantske institucije, te razvoj regionalne saradnje.
- U skladu sa zaključcima pomenute konferencije, na narednom sastanku u **Novi Vinodolskom u novembru 2010. godine osnovano je Evropsko**

udruženje javnih servisa u Jugoistočnoj Evropi kao neprofitno stručno tijelo javnih radiotelevizijskih servisa u regionu. Njegovo uspostavljanje je podržalo Vijeće za regionalnu saradnju.

- Drago nam je da je Udruženje preduzelo konkretne korake u ovom pravcu što je pokazano i 2011. godine kada je u prostorijama Sekretarijata Vijeća u Sarajevu potpisan **Protokol o regionalnoj saradnji u oblasti edukacije i obuke** između 12 članica Udruženja.
- Kao rezultat **zajedničkog zalaganja EBU-a i RCC-a**, Evropska unija je 2012. godine prepoznala ove napore i **EBU-u** dodijelila **petogodišnji ugovor o partnerstvu** čija je svrha da se omogući demokratska uloga javnih servisa u zemljama koje su obuhvaćene politikom proširenja EU.
- Sekretarijat Vijeća za regionalnu saradnju je nedavno zagovarao i da Udruženje u sklopu projekta „Jačanje Sekretarijata RCC-a“ realizira regionalni dokumentarni program na temu „Kako vidim svog komšiju/susjeda“. Cjelokupan projekat implementira Centralnoevropska inicijativa a finansira ga Evropska komisija. Dokumentarci su prikazani na javnim servisima širom regiona u proljeće ove godine. Cilj je da se potakne razumjevanje i dijalog, pomirenje i dobrosusjedski odnosi.

Dame i gospodo,

- Ključna uloga Vijeća za regionalnu saradnju je da okupi najbolje **resurse našeg regiona** oko istog, zajedničkog cilja, da maksimizira znanje, uticaj i izbjegne dupliciranje dok u isto vrijeme služi kao veza prema Evropskoj uniji i drugim zainteresiranim partnerima iz regiona.
- Perspektiva članstva koju nudi Strategija proširenja EU daje snažan poticaj cijeloj Jugoistočnoj Evropi. U njoj se značajna pažnja poklanja slobodi izražavanja u medijima sa posebnim naglaskom na potrebu da se poboljša ekonomsko stanje i autonomnost javnih servisa kako bi ispunjavali svoju ulogu.
- **Evropska komisija je također prepoznala i vrijednost Akademije** te odlučila da je na političkom nivou podrži kroz svoj izvještaj o medijima i slobodi izražavanja na Zapadnom Balkanu i Turskoj, objavljenom u aprilu ove godine, kao i na finansijskom nivou **određivanjem sredstava za njeno**

funkcioniranje u naredne tri godine kroz budžet Vijeća za regionalnu saradnju – na čemu smo im neizmjerljivo zahvalni.

Dragi stručnjaci,

- U oblasti medija **zakon je osnova**, temelj za očuvanje slobode izražavanja kao osnovnog ljudskog prava i *condition sine qua non* za zdravu demokratiju.
- Stoga sam siguran da ćete iskoristiti ovu sedmicu da **utvrdite zajedničke probleme i rješenja te date konkretne stručne prijedloge** zakonodavcima i donosiocima odluka koji će im pomoći u obezbjeđivanju ovog osnovnog prava.
- Na kraju **pozivam zakonodavce da iskoriste znanja stručnjaka iz našeg regiona** pri rješavanju pitanja vezanih za medijsko pravo kako bi se uvijek iznalazila najbolja rješenja vezana za evropske medijske standarde a na korist naših građana koji to s pravom od nas očekuju.
- Što se tiče Vijeća za regionalnu saradnju, nastaviti ćemo da radimo sa Evropskom komisijom, Udruženjem i svim zainteresiranim partnerima na pružanju podrške ključnoj ulozi medija u društvima Jugoistočne Evrope.
- Radujemo se nastavku rada sa svima vama. Svima nam želim uspješnu drugu po redu Akademiju o medijskom pravu u Jugoistočnoj Evropi.
- Hvala.